

Plenchi

Bèl a bati

Bèlèm bèlèm ora di resultado final riba diferente plenchi di nos skolnan.

Siman pasa plenchinan di skol tabata yen yen djaweps i djabierne.

Hóbennan i nan mayornan klá pará pa tende resultado di èksamen i EFO. Tabatin tenshon e dianan aki rònt Kòrsou.

Hóbennan sintá ta warda si por si akaso nan por haña yamada di skol pa bisanan ku nan no a slag. Esta un tenshon. Despues ora pa bai skol i tende e resultado. Semper tòg ku un tenshon pa warda riba bo nòmber.

Despues ku bo tende bo nòmber òf di bo yu un húbilo total. Shampaña ta kore i konfèti ta bai laira. Lagrimanan di alegria. Un pabien na tur hóben ku nan resultado final. Esnan ku tin hèr, pèrta i pusha saka un tiki mas energia pa bo por duna tur ku tin. No pèrde ánimo. Asina tin un chèns tin speransa i tuma esaki ku dos man. Esnan ku no a slag of no a logra e resultado ku nan a desea, no deskurashá. Den bida nos ta trompeká mas ku un biaha. Despues di bo dolor i desapunto, lanta riba i traha un plan pa e aña benidero. Kada bes ku bo lanta, bo ta lanta aun mas fuerte i maduro pa bo sigui pa dilanti.

Laga nos selebrá nos logronan. Duna mérito na tur ku a sostenebu den bo logro.

Un felis wikènt pa boso tur.

Riba roster

Dosentenan ta selebrá ku otro koleganan di VSBO St. Jozef e echo ku tabata tin un hasimentu di aña. E grupo a skohe pa e tema di "back to the oldschooltime". Durante e aktivitat aki koleganan a eksperiensha un biaha mas kon tabata ántes na 'basisschool' Diferente lèsnan a wòrdu duna dor di nos mes koleganan manera Nederlands, Rekenen i KDN! Den pouze tabata tin diferente aktivitat riba schoolplein. E aktivitat aki tabata hopi leuk i alabes un bon oportunitat pa team building. Paso henter e aktivitat tabata di NOS pa NOS.



St. Jozef College ta dosentenan a bira mucha di skol bèk



Not'é riba bòrchi

Alumnonan di Grupo 8A a hasi nan último apertura di siman komo alumno di St. Albertus College. Pa demostrá nan gratitut na kada maestro ku a kontribuí na nan desaroyo, durante nan trayectoria na St. Albertus College,

alumnonan di Grupo 8A tabata tin un kariño chikitu. Kada maestro a risibí un teksto salí for di kurason di e hóbennan aki. Asina nan a yama danki pa kada piedra, grandi òf chikitu, ku nan a pega na fundeshi di konosementu di kada un di e alumnonan aki! Nos a apresia i ta yama boso masha danki di kurason. Boso lo hasi hopi falta!



St. Albertus College grupo 8 ta duna apresio na nan yufrou.

Den agènda

- **Último dia di skol pa studiante i alumnonan ta 3 yuli 2015**
- **Startconferentie pa tur personal di RK dia 3 di ougustus 2015**
- **Promé dia di skol pa studiante i alumnonan 6 di ougustus 2015**

Mi ta konta

Amor di ruman

Gladys i Roland tabata 2 ruman masha sera ku otro. Nan mama a lanta nan pa nan stima i kuida otro. Tambe el a siñanan pa semper nan resa pa tur kos den bida. Segun e mama a bira grandi i krekeché Gladys a tuma e kuido kasi kompleto riba dje.

Roland a kasa i tabatin 3 yu kaba dia nan mama stimá a bin fayesé. Nan e mama su kama di morto el a pdi nan pa nan no lubida di resa i kuida otro.

Roland tabata resa tur dia i tabata mira e resultado di su orashonnan. El a logra un bon trabou, un bon kasá. Tambe 3 yu masha dushi mes. Tur dia e ta yama Dios danki pa su logronan. Semper e tabata pensa ta kon bin su ruman Gladys si a keda te na un bon trabou. E no a haña un kasadó, anto nada di yu. Den su kurason e tabata pensa ku Gladys lo no ta resa suficiente manera e.

Un anochi Roland a drumi soña ku su mama defuntu. Den e soño e mama ta puntré si e ta kòrda resa i kuida su ruman. El a kontestá su mama ku e si ta resa, anto Dios a kontestá su orashonnan. El a bisa ku e ta preokupá pa su ruman. E ta buska su drechi regular i nan ta hopi bon ku otro. Pero segun e su ruman no ta resa suficiente, pesei e no a logra un kasá i yu. Su mama a keda wak e pa un ratu prome el a kontestá:

“Bo ruman su orashonnan a yega shelu sigur. Tur dia el a resa pa ami, te awe ku mi ta serka Señor ainda e ta hasie. Anto den su orashonnan e ta pone abo i bo famia tur dia sentral. E ta pidi pa boso ta bon i boso nesesidatnan sea kumplí.”

Roland a keda sin palabra. E mama a bisé; ”kòrda kiko ma siña boso, resa i kuida otro. Orashon ta fuerte pero espesialmente si bo resa pa otro. Bo ruman su orashonnan a reinforsá di bo nan.”

Roland a sintie hopi malu. Paso den su orashonnan e no tabata inklui su ruman, sino su so i su famia. Semper el a kere ku su ruman mes por resa pa su mes.

E soño aki a kambia bida di Roland i Gladys pa semper.

Un preñchi

Dia 8 di yuni Maria College a organisá un tremendo dia di deporte na skol.



Dia di deporte na Maria COLlege





Yufrou Maybeline ta guiando muchanan di Blenchischool riba kompiuter.

Mucha djispou

Un yufrou ta puntra un alumno :

“Di kon bo no a pinta nada riba bo blachi ?”

Alumno: “Si mener m’a pinta. Ma pinta un baka ta kome yerba.”

Yufrou: “Pero unda e yerba ta ?”

Alumno: “E baka a kome e yerba .”

Yufrou: “Pero mi no ta mira e baka tampoko.”

**Alumno: “Mener ta kere e baka ta keda pará kaminda no tin yerba mas?
“**